

Invera privatni investicioni fond II

Lokacija:	Regionalni
ID Projekta:	56211
Sektor poslovanja:	Investicioni fondovi
Vrsta obavijesti:	PRIVATNA
Okolišna kategorija:	FI
Datum odobrenja Date:	19 Nov 2025
Status:	Preliminarni
Datum objave na engleskom:	15 Okt 2025

Opis projekta

Obaveza investicije do 30 mil. EUR za Invera privatni investicioni fond II C.V. (Fond).

Ciljevi projekta

Fond će izvršiti ulaganja vlasničkog kapitala i povezana ulaganja u mala i srednja preduzeća prvenstveno u Hrvatskoj i Sloveniji, kao i u drugim zemljama Zapadnog Balkana, sa ciljem ostvarivanja dugoročnog povećanja vrijednosti kapitala.

Tranzicioni efekat

ETI bodovi: 71

Investicija koju predlaže Banka će ponuditi dugoročni rizični kapital kompanijama u Jugoistočnoj Evropi. Time će pomoći unaprjeđenju konkurentnosti kompanija u koje ulaže i povećati otpornost domaćeg finansijskog sektora tako što će razviti alternativne izvore sredstava i omogućiti ekspanziju privatnog investicionog kapitala kao vrste imovine.

Informacije o Klijentu

INVERA PRIVATNI INVESTICIONI FOND II CV (INVERA PRIVATE EQUITY FUND II CV)

Fondom će upravljati Invera Equity Partneri d.o.o.

EBRD finansijski sažetak

EUR 30,000,000.00

Ukupna vrijednost Projekta

EUR 200,000,000.00

Dodatnosti

Kontinuirana podrška EBRD-a menadžerima fondova koji posluju u Jugoistočnoj Evropi je od vitalnog značaja s obzirom da je okruženje prikupljanja sredstava u regionu i dalje izazovno, a ukupna penetracija privatnog kapitala je na niskom nivou.

Okolišni i socijalni sažetak

Kategorija FI (ESP 2024). Invera je postojeći partner Banke, i ispunjavao je PZ 2, 4 i 9 za prethodni Fond. ESDD je pokazao da Glavni partner ima uspostavljene sveobuhvatne procedure probira (screening), procjene, monitoringa i izvještavanja o okolišnim i socijalnim rizicima vezanim za njihov portfolio, i primjenjivat će principe UN PRI i Globalnog sporazuma kod upravljanja okolišnim i socijalnim (E&S) učincima svojih investicija. Invera će trebati dodatno razviti proces kategorizacije nivoa okolišnog i socijalnog (E&S) rizika svojih novih investicija, prilagoditi svoje procedure upravljanja okolišnim i socijalnim (E&S) rizicima očekivanom nivou rizika, i objaviti najvažnije elemente svoga sistema upravljanja okolišnim i socijalnim rizicima kako bi se u potpunosti uskladila sa ESR 9. Osim toga, Invera će dopuniti svoju politiku upravljanja ljudskim resursima i unaprijediti interne mehanizme ulaganja pritužbi kako bi se dodatno uskladila sa ESR 2. Od Invere će se očekivati da primjenjuje EBRD E&S listu isključenja; investicije koje izvrši Fond će biti u skladu sa odgovarajućim zakonskim odredbama koje se odnose na Okoliš, Socijalna pitanja, Zdravlje i sigurnost, i Radna prava. Sve investicije Kategorije A će se uputiti na EBRD i trebaju biti u skladu sa ESR 1 do 8 i 10. Menadžer Fonda će dostavljati EBRD-u godišnji izvještaj o okolišnim i socijalnim (E&S) pitanjima i njihovoj usklađenosti sa odnosnim ESR i svim drugim okolišnim i socijalnim (E&S) pitanjima koja se pojave tokom godine.

Ekološke (zelene) procjene

Usklađenost sa Pariškim sporazumom

Utvrđeno je da je projekat u skladu sa ciljevima ublažavanja i prilagodbe iz Pariškog sporazuma na osnovu primjene EBRD-ovog pristupa usklađenosti sa Pariškim sporazumom za privatne investicione fondove. Utvrđeno je da je projekat usklađen jer klijent nema aktivnosti koje uzrokuju visoke emisije ili su osjetljive na klimatske promjene, a koje nisu obuhvaćene planom dekarbonizacije koji je zadovoljavajući za Banku. Utvrđivanje usklađenosti se temelji na primjeni stupa 1 (opredjeljenje partnera da primjenjuje Pariški sporazum).

Atribucija zelenog financiranja

50% sredstava EBRD-a će se klasificirati kao zeleno financiranje jer podržavaju aktivnosti usmjerene na ublažavanje klimatskih promjena, prilagodbu na klimatske promjene, ciljeve vezane za prirodu i druge okolišne ciljeve. Atribucija se vrši u skladu sa metodologijom utvrđivanja atribucije zelenog financiranja EBRD-ovih investicija za privatne investicione fondove.

Tehnička saradnja i financiranje nepovratnim sredstvima (grantovi)

Nema.

Kontakt podaci kompanije

Slaven Kordić

slaven@inveraep.si

+385 1 7002500

<https://www.inveraep.com/>

Radnička cesta 43, 2. sprat, 10000 Zagreb

Posljednje ažuriranje PSD-a

Razumijevanje tranzicije

Dalje informacije u vezi s pristupom EBRD-a mjerenju tranzicijskog učinka dostupne su [ovdje](#).

Poslovne mogućnosti

Za poslovne mogućnosti ili nabavku, molimo kontaktirajte preduzeće koje je klijent.

Za poslovne mogućnosti sa EBRD-om (koje nisu vezane za nabavku), molimo kontaktirajte:

Tel.: +44 20 7338 7168

E-pošta: projectenquiries@ebrd.com

Za projekte u državnom sektoru, molimo kontaktirajte [EBRD Nabavke](#):

Tel.: +44 20 7338 6794

E-pošta: procurement@ebrd.com

Opći upiti

Konkretni upiti mogu se postaviti putem [Obrasca EBRD-a za upite](#).

Okolišna i socijalna politika (ESP)

[Okolišna i socijalna politika](#) i s njom vezani Provedbeni zahtjevi utvrđuju način na koji EBRD izvršava svoju obavezu promoviranja „okolišno zdravog i održivog razvoja“. Okolišna i socijalna politika i Provedbeni zahtjevi uključuju konkretne odredbe u skladu s kojima klijenti trebaju ispunjavati važeće odredbe domaćeg zakonodavstva u oblasti javnog informiranja i konsultacija, te uspostaviti mehanizam za ulaganje pritužbi s ciljem prijema i lakšeg rješavanja spornih pitanja i pritužbi zainteresiranih strana, a posebno onih koji se odnose na okolišni i socijalni aspekt učinka klijenta i projekta. Srazmjerno prirodi i obimu rizika i učinaka koje projekt može imati u oblasti socijalnih odnosa i zaštite okoliša, EBRD dodatno zahtijeva od svojih klijenata da, po potrebi, objavljuju informacije o rizicima i učinku koji proistječu iz projekata ili da provedu konstruktivne konsultacije sa zainteresiranim stranama, razmotre povratne informacije koje pritom dobiju i odgovore na njih.

Više informacija o praksi EBRD-a s tim u vezi navedeno je u [Okolišnoj i socijalnoj politici](#).

Integritet i usklađenost

Ured Glavnog službenika za usklađenost u EBRD-u (OCCO) promovira dobro upravljanje i osigurava primjenu najviših standarda integriteta u svim aktivnostima Banke u skladu s najboljom međunarodnom praksom. Dubinska analiza integriteta svih klijenata Banke provodi se s ciljem osiguranja da projekti ne predstavljaju neprihvatljiv rizik po integritet ili ugled Banke. Banka smatra kako je otkrivanje i rješavanje spornih pitanja u stadiju procjene i odobrenja projekta najefikasniji način na koji se može osigurati integritet transakcija Banke. Ured Glavnog službenika za usklađenost ima ključnu ulogu u ovim zaštitnim mjerama, ali i pomaže u praćenju rizika po integritet u projektima poslije ulaganja.

Ured Glavnog službenika za usklađenost također je odgovoran za provođenje istrage u slučajevima navodne prijevare, korupcije i propusta u projektima financiranim sredstvima EBRD-a. Svaka osoba, bilo da djeluje unutar ili izvan Banke, koja sumnja u postojanje prijevare ili korupcije, treba podnijeti pismenu prijavu Glavnom službeniku za usklađenost putem e-pošte na adresu compliance@ebrd.com. Ured Glavnog službenika za usklađenost obrađuje sve prijave s ciljem praćenja daljeg razvoja događaja. Razmatraju se sve prijave, uključujući i one koje su podnesene anonimno. Prijave mogu biti podnesene na bilo kojem jeziku Banke ili jeziku zemlje u kojoj Banka posluje. Sve informacije moraju biti podnesene u dobroj namjeri.

Politika pristupa informacijama (AIP)

Od stupanja na snagu 01. 01. 2020. godine, Politika pristupa informacijama utvrđuje način na koji EBRD objavljuje informacije i obavlja konsultacije sa zainteresiranim stranama s ciljem promoviranja bolje informiranosti i razumijevanja strategija, politika i operacija EBRD-a. Za informacije o tome koji su podaci dostupni na internet stranici EBRD-a, molimo posjetite stranicu [Politika pristupa informacijama](#).

Posebni zahtjevi za informacijama mogu se podnijeti putem [Obrasca EBRD-a za upite](#).

Nezavisni mehanizam odgovornosti u realizaciji projekata (IPAM)

Ukoliko pokušaji da se socijalna, pitanja koja se odnose na zaštitu okoliša ili objavljivanje informacija riješe s klijentom ili Bankom ne uspiju (npr. putem mehanizma za rješavanje sporova s klijentima na nivou Projekta ili u direktnom kontaktu s upravom Banke), pojedinci i organizacije mogu tražiti rješenje spornih pitanja putem EBRD-ovog Nezavisnog mehanizma odgovornosti u realizaciji projekata (IPAM).

Nezavisni mehanizam odgovornosti u realizaciji projekata provodi nezavisno ispitivanje pitanja vezanih za Projekt za koja se smatra da su prouzrokovala (ili postoji vjerovatnoća da će prouzrokovati) štetu. Svrha Mehanizma jeste: podržati dijalog između zainteresiranih strana u projektu s ciljem rješavanja socijalnih, problema koji se odnose na zaštitu okoliša i objavljivanje informacija; utvrditi je li postupanje Banke bilo u skladu s njenom [Okolišnom](#) i socijalnom politikom ili konkretnim odredbama njene [Politike pristupa informacijama](#) koje se odnose na Projekt; te, po potrebi, otkloniti sve postojeće neusklađenosti s navedenim politikama, istovremeno sprečavajući neusklađenost u postupanju Banke u budućnosti.

Za informacije o tome kako podnijeti zahtjev za razmatranje putem našeg [povjerljivog e-obrasca](#), [e-pošte](#), [pošte ili telefona](#) molimo posjetite internet stranicu Nezavisnog mehanizma odgovornosti u realizaciji projekata. Nezavisni mehanizam odgovornosti u realizaciji projekata stoji Vam na raspolaganju za razgovor o spornim pitanjima i odgovore na pitanja koja imate u vezi s

podnošenjem zahtjeva ili njihovom obradom, a koji su u skladu s [Politikom odgovornosti u realizaciji projekata](#) i [Smjernicama](#). Identitet podnositelja zahtjeva može, na njegov zahtjev, ostati zaštićen.